

Қазақстан Республикасы Ұлттық экономика министрлігі Тұтынушылардың құқықтарын қорғау комитетінің мемлекеттік мекемелері - обаға қарсы күрес станцияларына қызмет көрсетуге арналған автомобиль және механикалық көлік құралдарының заттай нормаларын бекіту туралы

Күшін жойған

Қазақстан Республикасы Ұлттық экономика министрінің 2015 жылғы 5 наурыздағы № 187 бұйрығы. Қазақстан Республикасының Әділет министрлігінде 2015 жылы 10 сәуірде № 10684 тіркелді. Күші жойылды - Қазақстан Республикасы Денсаулық сақтау министрінің 2025 жылғы 29 мамырдағы № 48 бұйрығымен

Ескерту. Күші жойылды - ҚР Денсаулық сақтау министрінің 29.05.2025 № 48 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

2008 жылғы 4 желтоқсандағы Қазақстан Республикасы Бюджет Кодексінің 69-бабының 2-тармағына сәйкес **БҰЙЫРАМЫН:**

1. Қоса беріліп отырған Қазақстан Республикасы Ұлттық экономика министрлігі Тұтынушылардың құқықтарын қорғау комитетінің мемлекеттік мекемелері - обаға қарсы күрес станцияларына қызмет көрсетуге арналған автомобиль және механикалық көлік құралдарының заттай нормалары бекітілсін.

2. Қазақстан Республикасы Ұлттық экономика министрлігінің Тұтынушылардың құқықтарын қорғау комитеті (Ә.Б. Мәтішев) заңнамада белгіленген тәртіппен:

1) осы бұйрықтың Қазақстан Республикасы Әділет министрлігінде мемлекеттік тіркеуді;

2) осы бұйрық мемлекеттік тіркелгеннен кейін күнтізбелік он күн ішінде оның мерзімді баспа басылымдарында және "Әділет" ақпараттық-құқықтық жүйесінде ресми жариялауға жіберуді;

3) осы бұйрықтың Қазақстан Республикасы Ұлттық экономика министрлігінің ресми интернет-ресурсында орналастыруды қамтамасыз етсін.

3. Осы бұйрықтың орындалуын бақылау Қазақстан Республикасының Ұлттық экономика вице-министрі Т.М. Жақсылықовқа жүктелсін.

4. Осы бұйрық алғашқы ресми жарияланған күнінен бастап күнтізбелік он күн өткен соң қолданысқа енгізіледі.

Министр

Е. Досаев

"КЕЛІСІЛДІ"

Қазақстан Республикасының
Қаржы министрі
_____ Б. Сұлтанов
2015 жылғы 10 наурыз

Қазақстан Республикасы
Ұлттық экономика министрінің
2015 жылғы 5 наурыздағы
№ 187 бұйрығымен
бекітілген

Қазақстан Республикасы Ұлттық экономика министрлігі Тұтынушылардың құқықтарын қорғау комитетінің мемлекеттік мекемелері — обаға қарсы күрес станцияларына қызмет көрсетуге арналған автомобиль және механикалық көлік құралдарының заттай нормалары

Көлік құралының типі	Функционалдық мақсаты	Жұмыс істеп жатқан бір құрылымға көлік құралының шекті саны		
		Станцияның/бөлімшенің стационарлық зертханасы	Эпидемияға қарсы жасақ	Бір станцияға
1	2	3	4	5
1. Санитариялық жеңіл көлік (оның ішінде жоғары өтімді)	Обаға, тырысқаққа және басқа да аса қауіпті инфекцияларға күдіктену кезіндегі шұғыл сапарлар және жұқпалы материалды жеткізу үшін	2	1	X
2. Жүк көлігі (оның ішінде жоғары өтімді)	Обаға, тырысқаққа және басқа да аса қауіпті инфекцияларға қарсы тексеру және шұғыл профилактикалық іс-шаралар жүргізу үшін	2	1	X
3. Жолсыз жермен жүретін көлік базасындағы автобакзертхана	Шалғай және жету қиын аудандарды тексеру үшін	2-5 жылжымалы құрылымға бір бірлік		2-ден артық емес
4. Су тасығыш	Далалық жұмыстар кезінде жылжымалы	2-5 жылжымалы құрылымға бір бірлік		2-ден артық емес

	құрылымдарға су жеткізу үшін		
5. Өзі аударғыш	Қатты жанар майды, қатты тұрмыстық қалдықтарды тасымалдау үшін	2-5 жылжымалы құрылымға бір бірлік	2-ден артық емес
6. Жанар-жағар май тасығыш, оның ішінде жолсыз жермен жүретін көлік базасында	Далалық жұмыстар кезінде жанар-жағар материалдарын жылжымалы құрылымдарға жеткізу үшін	2-5 жылжымалы құрылымға бір бірлік	2-ден артық емес
7. Шағын автобус	Дала жұмыстарына топтарды тасымалдау үшін	2-5 жылжымалы құрылымға бір бірлік	2-ден артық емес
8. Аспалы құралдары бар дөңгелекті трактор	Тиеу-түсіру жұмыстары үшін		1